



COMUNI DI SANT'ANTONI DI GADDURA

Pruincia di Sassari

Area Ténnica – Polizzia Municipali

Ufficiu Polizzia Municipali

ULDINÀNZIA N°3 DI LA DÍ 12/01/2023

210

Oggetto: **CHJIUSURA PRUISÓRIA STRADI COMUNALI PAL TEST AUTO WRC 2023 DA LA DÍ 24
A LA DÍ 27 GJINNAGGJU 2023**

LU RISPUNSÀBILI

Vista la rinchesta prisintata in data 09.01.2023 prot. n. 112 da lu sig. LEDDA Innocenzo Francesco, in calitai di legali rapprisintanti di la A.S.D. Team Autoservice, pa' uttiné l'autorizzazioni a trattà la strada comunali:

- **Bíviu Santu Santinu – Plebi pal Km 3,50;**
- **Bíviu Santu Santinu – Priatu pal Km 4,60;**

Tuttu chistu pa' puté praticà li prói di sviluppu ténnicu màcchini di rally in régula cun immatriculazioni e assicurazioni **da la dì 24 a la dì 27 gjinnaggju 2023 da li 08:30 a li 19:30;**

Dàtusi attu chi, in miretu a chista rinchesta, in data 12.01.2023 cun prot. n. 208/2023 è stata data la nizissària autorizzazioni;

Rifinutu nizissàriu uldinà, cu' lu presenti attu la chjiusura pruisória a lu tràfficu di la strada:

- **Bíviu Santu Santinu – Plebi pal Km 3,60;**
- **Bíviu Santu Santinu – Priatu pal Km 4,60;**

illi ciurrati e ill'óri supra ingjittati;

Datusi attu chi sò a gàrrigu di la **A.S.D. Team Autoservice**, tutti l'óneri e ubbríchi cunsighenti a la presenti udinànzia;

Rilivatu chi pa' tali muttiu la **A.S.D. Team Autoservice** arà d'assigurà pal cantu durani li prói la siguresa innant'a lu trettu, ulganizzendi, cun oparadóri soi, appósitu silvìziu di vigjilànza a lu scopu di no casgiunà strobbi a lu nulmali tràfficu di mezi e di passoni

a pédi;

Vistu l'alt. 5 comma 3 e l'alt. 6 comma 4 litt. a) di lu "Codice della Strada", approvatu cun D.L. 30/04/1992 n°285 e sighbenti mudífichi e intigrazioni;

Visti li dispusizioni cuntinuti illu Regulamentu di Attuazioni e Esecuzioni di lu Códici di la Strada, approvatu cun D.P.R. 16/12/1992 n°495 e sighbenti mudífichi e intigrazioni;

Attésa la nezessitai di pruzzidì in mirétu;

Vistu lu nou Códici di la Strada – D.Lgs 285/92 e sighbenti mudífichi e intigrazioni;

Vistu il T.U.E.L. n°267/2000;

ULDINIGGJA

**Pa' li muttii palisati in primmissa, illi ciurati:
da la dì 24 a la dì 27 gjinnaggju 2023 da li 08:30 a li 19:30**

illi stradi comunali:

- **Bíviu Santu Santinu – Plebi pal Km 3,50;**
- **Bíviu Santu Santinu – Priatu pal Km 4,60;**

La chjusura palziali a lu tràfficu di li mezi pa' lu tempu istrintamenti nizissàriu a cunsintì li proi di sviluppu ténnicu màcchini WRC 2023 in régula cun immatriculazioni e assicurazioni:

Tra un passaggju e l'altu arà di stà garantita la nulmalì cilculazioni di li mezi;

- Chi la **A.S.D. Team Autoservice** cun sedi a Esploratu in via Unità d'Italia n.2, pruvvedi a spési e cuidatu sóiu l'installzioni di signali addighenti e la prisènzia cuntínua di passunali sóiu chi reguliggji la cilculazioni di mezi e di passoni par assicurà lu regulari tràfficu locali tra una próa e l'alta, la siguresa e l'òldini púbbricu, a lu scopu di galdanni chistu enti da cassisia rispunsabilitai zivili e penali par eventuali danni a passoni o a cosi;
- Chi li ditti prescrizioni siani resi nótti a lu púbbricu pal mezu di la stampa e cun la pustura di cartelli e signali stradali privisti da la nulmativa in vigóri

Li trasgrissóri sarani puniti a nolma di leggji.

È fattu ubbrícu a cassisia chi spèttia di ussilvà e fa ussilvà la presentì uldinànzia

Sant'Antoni di Gaddura, la dì 12.01.2023

Lu Respunsàbili di lu Silvíziu
Arch. Pian. Fabio Caronna